

**BOSNA I HERCEGOVINA
FEDERACIJA BOSNE I
HERCEGOVINE
UNSKO-SANSKI KANTON
MINISTARSTVO UNUTRAŠNJIH
POSLOVA**



**BOSNIA AND HERZEGOVINA
FEDERATION OF BOSNIA AND
HERZEGOVINA
THE UNA-SANA CANTON
MINISTRY OF THE INTERIOR**

**SEKTOR ZA MATERIJALNE POSLOVE I PODRŠKU
ODSJEK ZA MATERIJALNE POSLOVE I NABAVU**

Broj: 05-05/01-11-1903/25

Datum: 10.03.2026 .godine

Na osnovu člana 64. stav 1. tačka b., člana 70. stav 1, 3. i 6. Zakona o javnim nabavkama („Sl. glasnik BiH“, broj 39/14, 59/22 i 50/24), člana 24. Zakona o unutrašnjim poslovima Unsko-sanskog kantona („Službeni glasnik USK - a“, broj 13/16, 16/17 i 8/24), a na osnovu Preporuke o izboru najpovoljnijeg ponuđača Komisije za javnu nabavku broj:05-01/01-11-1903/25 od 06.03.2026.godine, u postupku javne nabavke usluga –nabavka usluga redovnog servisiranja i održavanja motornih vozila sa zamjenom rezervnih i potrošnih dijelova za period 2026.-2027.godina, Ministar Ministarstva unutrašnjih poslova Unsko-sanskog kantona **d o n o s i:**

**ODLUKU
o izboru najpovoljnijeg ponuđača**

Prihvata se Preporuka o izboru najpovoljnijeg ponuđača Komisije za javne nabavke Ministarstva unutrašnjih poslova broj: 05-01/01-11-1903/25 od 06.03.2026.godine, za javnu nabavku usluga – redovnog servisiranja i održavanja motornih vozila sa zamjenom rezervnih i potrošnih dijelova za period 2026.-2027.godina za potrebe Ministarstva unutrašnjih poslova i Ugovor se dodjeljuje ponuđaču „BERLINA“ d.o.o Bihać, Ul. Plješevička 39., 77000 Bihać za ponudu broj: 1065/2025 za ponuđenu cijenu u iznosu od 58.999,00 KM bez uračunatog PDV-a, kao najbolje ocijenjenom.

Ponuđač je dostavio ponudu na iznos od 58.999,00 KM bez uračunatog poreza na dodanu vrijednost prije provođenja E-aukcije. U toku provođenja postupka E- aukcije ponuđač nije umanjio svoju ponudu, te nakon provedene E aukcije ukupna cijena ponude iznosi 58.999,00 KM bez uračunatog poreza na dodanu vrijednost, PDV u iznosu 10.029,83, a ukupna cijena sa uračunatim PDV-om iznosi 69.028,83 KM.

(slovima:šezdesetdevethiljadadvadesetosamkonvertibilnihmaraka i 83/100)

Ponuđač je u obavezi dostaviti novi Obrazac za cijenu ponude ANEKS 3 u kojem će navesti cijene za svaku stavku, nakon provedene E aukcije, koji će biti sastavni dio Ugovora

Član 2.

Izabrani ponuđač će dostaviti dokumenta iz člana 45. Zakona o javnim nabavkama BiH („Službeni glasnik BiH“ broj 39/14, 59/22 i 50/24) u roku 5 dana od dana prijema Odluke o izboru najpovoljnijeg ponuđača.

Član 3.

Prijedlog Ugovora o nabavci dostavit će se na potpis izabranom ponuđaču „BERLINA“ d.o.o. Bihać po protoku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 4.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova Odluka će se objaviti na web stranici mupusk@mupusk.gov.ba.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-05/01-11-1903/25 od 04.11.2025.godine.

Javna nabavka je provedena putem otvorenog postupka uz provođenje E aukcije.
Procijenjena vrijednost javne nabavke bez uračunatog PDV-a je do 80.000,00 KM.

Obavještenje o nabavci broj: 709-1-2-211-3-19/25 objavljeno je na Portalu javnih nabavki dana 01.12.2025. godine, sažetak Obavještenja o nabavci objavljen je u „Službenom glasniku BiH“ broj 74. od 12.12.2025. godine.

Komisija za javnu nabavku imenovana je rješenjem broj: 05-01-11-1695/25 od 30.09.2025.godine i rješenjem broj:05-01-11-1695/25/AB od 09.01.2026. godine.

Krajnji rok za prijem ponuda bio je 22.12.2025.godine do 12,00 sati.

Komisija za javne nabavke dostavila je dana 29.12.2025.godine Zapisnik o zaprimanju ponuda broj: 05-01/01-11-1903/25, Zapisnik sa otvaranja ponuda broj: 05-01/01-11-1903/25 i Zapisnik o ocjeni ponuda broj: 05-01/01-11-1903/25 od 22.12.2025.godine, Izvještaj o toku i završetku E-Aukcije od 29.12.2025.godine, Nastavak zapisnika nakon provedene E aukcije od 29.12.2026.godine i Preporuku o izboru najpovoljnijeg ponuđača broj: 05-01/01-11-1903/25 od 29.12.2025.godine, u postupku javne nabavke usluga redovnog servisiranja i održavanja službenih motornih vozila za period 2026.-2027.godina. Na osnovu dostavljene dokumentacije donesena je Odluka o izboru najpovoljnijeg ponuđača broj: 05-05/01-11-1903/25 od 30.12.2025. godine kojom je kao najbolje ocijenjenom ponudom izabrana ponuda ponuđača „Berlina“ d.o.o. Dana 13.01.2026. godine od strane ponuđača „MEŠAN“ d.o.o Bihać uložena je žalba na Odluku o izboru najpovoljnijeg ponuđača broj: 05-05/01-11-1903/25 od 30.12.2025. godine koja je proslijeđena Uredu za razmatranje žalbi BiH, Filijala URŽ-a u Mostaru.

Ured za razmatranje žalbi je rješenjem broj:JN2-03-07-1-136-6/26 od 05.02.2026. godine poništio Odluku o izboru najpovoljnijeg ponuđača i predmet vratio Ugovornom organu na ponovni postupak uz obavezu da postupi u skladu sa članom 66. Zakona o javnim nabavkama i članom 17. stav (7) Uputstva odnosno da zatraži i cijeni detaljno obrazloženje ponuđene cijene prije donošenja nove zakonite odluke.

Komisija za javne nabavke je nakon poništenja Odluke o izboru najpovoljnijeg ponuđača broj: 05-01/01-11-1903/25 od dana 30.12.2025. godine od strane URŽ-a rješenjem broj:JN2-03-07-1-136-6/26 od 05.02.2026. godine, postupajući po rješenju URŽ-a uputila ponuđaču „BERLINA“ d.o.o Bihać obavijest broj: 0-01/01-11-1903/25 od 18.02.2026. godine kojom se traži pojašnjenje neprimodno niske cijene navedene ponude prije E-aukcije koja je iznosila 58.999,00 KM bez PDV-a, dok je cijena drugorangirane ponude ponuđača „MEŠAN“ d.o.o iznosila 79.104,00 KM bez PDV-a.

Ponuđač „BERLINA“ d.o.o je u ostavljenom roku dostavio pojašnjenje u kojem navodi da je ponuđena cijena rezultat:

-primjene politike smanjenih marži na većinu autodijelova obuhvaćenih ponudom (ukupno 655+1 pojedinačnih stavki za autodijelove prema Obrascu za cijenu ponude – Aneks 3 na stranicama od broja 9. do broja 30.),

-da sastavni dijelovi ponude koji su dati u Aneksu 3 ponude čine upravo samo stavke za cijene autodijelova (ukupno 65 stavki-dijelova) koji se ugrađuju, gdje zbog velikog broja stavki smatraju da se u ovom pojašnjenju ne mogu pojedinačno analizirati, da se trgovačke marže Berline d.o.o kreću u prosjeku od 30-40 %, da je razlika u cijeni od 25,4 % koju je dala Berlina d.o.o Bihać u odnosu na drugog ponuđača ispod tih punih trgovačkih marži.

-da Berlina d.o.o Bihać ima ugovorenu saradnju o nabavci i dugogodišnju saradnju sa dobavljačima, što omogućava konkurentne nabavne cijene odnosno da je nabavljena roba uz povoljne rabate (cca od 30-40%), da je diskreciono pravo svakog dobavljača da može odlučiti kolike će marže ukalkulisati u ponude

-da njihove cijene date u ponudi ne mogu biti posmatrane kao neprirodno niske već samo kao cijene koje su dobivene s kalkulacijom manjih trgovačkih marži u odnosu na pune marže koje nisu primijenjene u ovom slučaju, što bi bilo dovoljno da se može smatrati opravdane prema članu 66. stav 2. a naročito pod tačkom b) izabrana tehnička rješenja i/ili **izuzetno pogodne uslove koje ponuđač ima za dostavljanje robe** ili usluga ili za izvođenje radova.

Kao dokaz navedenih okolnosti ponuđač je dostavio na uvid račune/otpremnice iz 2026. godine izdane od strane njegovih dobavljača, iz kojih je vidljivo: naziv isporučene robe (autodijelovi), jedinične cijene i odobreni rabati na navedene autodijelove. Ponuđač je naznačio da dostavljena dokumentacija sadrži podatke poslovne prirode te je zatražio da se ista zaštiti od daljeg javnog objavljivanja trećim licima, u svrhu zaštite poslovnih interesa.

Komisija je izvršila uvid u dostavljene račune/otpremnice i utvrdila da isti predstavljaju vjerodostojne knjigovodstvene isprave koji potvrđuju da ponuđač ostvaruje rabate kod dobavljača autodijelova (u rasponu od 30-40% ovisno o dobavljaču), a što je u skladu sa navodima ponuđača iz pojašnjenja.

Komisija cijeni da ostvareni rabati u kombinaciji sa smanjenim maržama koje predstavljaju legitimnu poslovnu odluku ponuđača, objektivno omogućavaju formiranje ponuđene cijene.

Komisija za javne nabavke je cijenila da je ponuđač Berlina d.o.o Bihać dostavljenim pojašnjenjem i dokazima otklonio sumnju u neprirodno nisku cijenu, te se njegova ponuda u ovom dijelu smatra privatljivom i uzima u dalje razmatranje i rangiranje.

Nakon gore navedenog postupka, Komisija je pristupila ponovnoj ocjeni ponuda, s tim da Komisija nije vršila ponovnu provjeru kvalifikacije ponuđača, niti provjeru odnosno ispitivanje da li su ponuđači načinili računске greške u svojim obrascima za cijenu u TD, jer navedena ocjena nije niti osporena od strane URŽ-a niti je bila predmetom žalbenih navoda. Napominjemo da je Komisija ocijenila za oba ponuđača u Zapisniku o ocjeni ponuda broj: 05-01/01-11-1903/25 od 22.12.2025.godine, da su dostavljene dvije prihvatljive ponude, da ispunjavaju kriterije za izbor najpovoljnije ponude, te da su dostavljene u skladu sa traženim tehničkim **specifikacijama u tenderskoj dokumentaciji**.

Red. br.	Broj protokola	Naziv/ime ponuđača (šifra)	Ukupna cijena bez PDV-a	Datum	Vrijeme
1	05-01/01-316/25	„BERLINA“ d.o.o. Bihać	58.999,00 KM	19.12.2025.g.	13:18 sati
2	05-01/01-320/25	„MEŠAN“ d.o.o. Bihać	79.104,00 KM	22.12.2025.g.	11:15 sati

Komisija je utvrdila da nije bilo zaprimljenih neblagovremenih i neprihvatljivih ponuda.

Komisija za javne nabavke je pokrenula postupak poništenja E-aukcije održane 29.12.2025. godine i zakazala novi termin za održavanje E-aukcije dana 04.03.2026. godine u 09:00 sati u trajanju od 10 minuta. Nakon održane E-aukcije i preuzimanja Izvještaja Komisija je izvršila rangiranje prihvatljivih ponuda prema kriteriju za izbor ponude kako slijedi:

R.br.	Naziv/ime ponuđača	Ponuđena cijena bez PDV-a
1.	„BERLINA“ d.o.o. Bihać	58.999,00 KM
2.	„MEŠAN“ d.o.o. Bihać	79.104,00 KM

Kriterij za ocjenjivanje ponude je najniža cijena.

Nakon provedene E-aukcije Komisija za javne nabavke Ministarstva unutrašnjih poslova Unsko-sanskog kantona Bihać konstatuje da je najpovoljnija ponuda ponuđača „BERLINA“ d.o.o. Bihać sa cijenom bez PDV-a **58.999,00 KM**, a sa uključenim PDV-om koji iznosi **10.029,83 KM**, ponuda izabranog ponuđača sa uračunatim PDV-om ukupno iznosi **69.028,83 KM**, te predlaže njegov izbor. U postupku ocjene provedenog postupka, Ugovorni organ nije našao razloge, nepravilnosti, niti propuste u radu, koji bi eventualno bili osnov za neprihvatanje Preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i Tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama BiH (“Službeni glasnik BiH” broj: 39/14, 59/22 i 50/24), člana 24. Zakona o unutrašnjim poslovima Unsko-sanskog kantona (“Službeni glasnik USK” broj: 13/16, 16/17 i 8/24), odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije 10 (deset) dana od dana prijema ove Odluke.

Dostaviti:

- Ponuđaču: „MEŠAN“ d.o.o. Ul. Prijedorska 5., 77.000 Bihać;
- Ponuđaču: „BERLINA“ d.o.o. Plješevićka 39, 77.000 Bihać;
- Ministru;
- IKT-za objavu na WEB stranici MUP-a;
- a/a



502.Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560
Web: www.mupusk.gov.ba, e-mail: mupusk@mupusk.gov.ba , info@mupusk.gov.ba